



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eginhartvs De Vita Caroli Magni, Animadversionibvs Illvstratvs

Bessel, Friedrich
Reinhard, Johann Friedrich

Helmeftadii, 1667

Animadversiones Ad Cap. XIV.

urn:nbn:de:hbz:466:1-10996

apud Goldastum; quam carmine reddidit *Walafridus Strabus* anno ætatis suæ 18. ab *Heitone* Episcopo Basileensi, & Consiliario Caroli M. perscriptam. Animadverti tamen, visionem illam jam olim à *Iacobo Fabro Stapulensi*, in volumine *trium Virorum & trium Spiritual. Virg.* (quod ab *Henrico Stephano*, Roberti parente, editum Parisiis, ann. 1513.) productam, sub nomine *Uguetini Monachi*, cujus verba, quoniam liber in paucissimorum est manibus, adscribam: *De Geroldo vero quodam Comite, dixit idem Angelus, quod in requie esset, gloriæ martyrum adequatus; zelo inquitens Dei in defensione sanctæ Ecclesiæ, infidelium turbis congressus, temporalis vitæ dispendia est passus, ideo æternæ vitæ particeps est factus.* Hæc *Wettinus Monachus* fol. 18. b. Geroldi hujus Epitaphium possederat idem *Goldastus*, ut videre est, ex fragm. *Epistola ad Velferum, Replicat. pro Imperio cap. 11. p. 115.*

CAPUT XIV.

1. * **B**ohemanicum quoque & * Hilinonicum, quæ * R. Bohemanicum. postea exorta sunt, diu durare non potuerunt: quorum utrumque ductu CAROLI junioris, celeri fine completum est. † Ultimum contra Nordmannos, qui Dani vocantur, primò piraticam exercentes, deinde majori classe littora Galliæ atque Germaniæ vastantes,
2. bellum susceptum est. † Quorum rex *Godefridus* adeò vana spe inflatus erat, ut totius sibi Germaniæ promitteret potestatem. Frisiam quoque & Saxoniam, haud aliter at-
3. que suas provincias æstimabat. † Iam *Abotritos*, vicinos suos, in suam deditioem redegerat, jam eos sibi vestigales fecerat. † Jaçtabat etiam se brevi * *Aquasgrani*, ubi * MS. Aquasgrani. regis comitatus erat, cum maximis copiis adventurum.
4. † Nec dictis ejus, quamvis vanissimis, omnino fides abnuebatur, quin putaretur tale quid inchoaturus, nisi festi-
5. natâ fuisset morte præventus. † Nam à proprio satellite interfectus, & suæ vitæ, & belli à se inchoati finem * ac * MS. celebravit. L. celebravit. celeravit.

ANIMADVERSIONES

AD CAP. XIV.

Bohemanicum quoque & Hilinonicum) Bohæmicæ Expeditionis hanc causam

causam reperio, quod *Bohemanni* (sic enim legendum apud Sigebertum *ad ann. 805.* pro *Bethemannis*) Sclavicae originis populi, hoc est *Bohami*, terram Hunorum de populati erant, adeo quidem, ut eos ad novas sedes quaerendas compulerint. Contra hos missus est Carolus, Caroli M. primogenitus, qui terram eorum devastans, ducem *Lechonem*, seu *Letzonem* (quod nomen apud alios in *Lethonem*, vel *Bethonem*, corruptè transit) occidit. Historiam referunt Regino, Adelmus, Annales Fuldenfes, Sigebertus *ad anno 805.* Enimvero nisi omnia omnia me fallunt, hic est *Lesco* ille III. quem Saxonibus auxilia adversus Carolum suppeditasse, scribit Gvagninus *in descript. Sarmat. fol. 7.* quem tandem ann. 801. cum Bohæmis, Pomeranis, Prutenisque à Carolo in Silesiâ cruento prælio ad Oderam fluvium prostratum refert. In *Hiliones* autem, seu *Linones*, sive etiam *Hiliones* mavis, ut est ap. Sigebert. *ad ann. 810.* expeditionem idem Carolus junior suscepit, propterea quod ad Godefridum, Danorum regem defecerant. Referunt iisdem ferè verbis Regino *lib. II.* Annales Nuenarii ac Pithœi *ad ann. 808.* Quinam hi populi fuerint, & unde dicti sint, difficile est conjecturâ assequi. An à loco Hiliuni ad Albim, cujus mentio exstat apud Reginon. *lib. II. ad ann. 795.* denominationem traxerint, ambigo. *Puto*, inquit Reineccius, *ad Annal. Poët. Sax. fol. 66. de iis indigitatum pagum Lune, item Urbem Luneburgum.* Videndus Cranz. *Saxon. lib. IV. c. 16.*

Quorum Rex Godefridus] Bellicosum, elati tamen, plus quàm par est, animi hominem fuisse oportet, qui ex æmulatione in Carolum insurrexit. Quamobrem 200. navium classem paratam habuit, ut terrâ marique eundem impeteret fortiùs. Quibus cogitationibus intentum, nescio quâ causâ fatelles interfecit, vel ut est apud Albert. Stadenf. *ad ann. 810.* proprius filius, cujus matrem aliâ super in ductâ dimiserat. Certè post patris Godefridi mortem, Hemmingus qui ei successit, pacem cum Carolo iniit.

CAPUT XV.

HÆc sunt bella, quæ rex potentissimus per annos I. XLVII. (tot enim annis regnaverat) in diversis terrarum partibus, summâ prudentiâ atque felicitate gessit, quibus regnum Francorum, quod post patrem Pipinum magnum quidem & forte suscepit, ita nobiliter ampliavit, ut penè duplum illi adjecerit. † Nam cum prius non ampliùs quàm ea pars Gallia, quæ inter Rhe-

num